

Na Caminda pa **Trono**



Beatrix:

Reina di Antias y Aruba



Despues di e cambio di trono, oficialmente Beatrix ta reina di e Reino Uni Hulandes. Pues, ademas di Hulanda tambe di Antias Hulandes y Aruba.

Pesey el a biaha mesora na 1980 pa e islanan tropical como e reina nobo pa sera conoci cu e miembronan di reino na e otro banda di laman, despues di un inauguracion ruidoso, cual a wordo marca principalmente dor di disturbionan.

Ki diferente e ricibimento di prins Claus y reina Beatrix tabata na nan yegada.

Na honor di su bishita a traha un moneda special y e reina a

papia cu e parlamento di Antias Hulandes. E antianonan tabata haya tur cos bon. E bishita di un reina nobo ta nifica "FIESTA". Y esey tabata sosode cu cada bishita.

Reina Beatrix a bishita Antias hunto cu prins Claus, y tin biha tambe cu nan yiuinan, na aña 1980, 1982, 1987 y 1992. Antias tabata un lugar hopi special pa e pareha real. El a bisa na 1980: "Despues di siglonan di un historia comun hopi agita nos amistad a cristalisa. Ban mantene esaki den futuro como algo special." Reina Beatrix ta yama su cacho "Dushi."



Ultimo bishita oficial di e Reina Beatrix na Aruba

Tabatin un bishita na Antias cu tabata hopi comenta na 1999. E dia a cuminsa cu un solo fuerte, te ora cu orcan Lenny a dicidi di laga su rastronan desastroso riba e islanan. E desaster tabata enorme y prins Claus y reina Beatrix a expresa nan apoyo y por a mira pa nan mes ki sufrimento e orcan a causa.

"Awe nos a tuma tempo pa wak rond e isla. Ora cu wak e daño causa pa e tormenta horibel aki, mi por imagina e miedo y desesperacion cu boso a pasa aden ora cu boso a wordo golpea pa e fenomeno natural aki."

Pero, e orcan a mete tambe cu reina Beatrix: un ola grandi a bini y a pone fin na su peinado cu semper e ta cuida. "Mahestad, bo a wordo bendishona cu nos awa di laman," observadornan a bisa e reina; un comentario cu el a acepta na harimento.

Na 2001 reina Beatrix a bishita e islanan sin prins Claus. Claus tabata demasiado malo pa haci e viahe largo y agotador.

Y.... e tey atrobe na 2006. Durante e bishita aki el a habri diferente corte di futbol Crujff hunto cu e strea di futbol Johan Crujff. Su gira rond e seis islanan tabata specialmente en conexion cu e expectativanan halto relaciona cu e reformanan politico



tan desea, cu na 2010 lo haya forsa cu e desmantelacion di Antias Hulandes. Prins Willem Alexander y prinses Maxima tabata presente na e desmantelacion dia 10 di oktober 2010.

Corsow y Sint Maarten a bira paisnan independiente mientras cu Boneiro, Saba y Sint Eustatius a bira municipionan special. Na Aruba nada a cambia ya cu e pais tin 25 aña caba cu su status aparte.

Na 2011 reina Beatrix, hunto cu Willem Alexander y Maxima, a haci un bishita na e paisnan nobo y e municipionan special. E reina mester a usa tur su talentonan pa calma e ciudadanonan cu tabata demostrando.

"E reina no por haci milager pero e ta sigur un punto di conexion, cu su bishita, ta duna e comunidad e speranza pa mehoracion. Hopi hende ta wak reina Beatrix como un tipo di mama primitivo serca ken nan por presenta nan preocupacion y cu despues Beatrix ta solucionan," segun John Leerdam, ex miembro di

Tweede Kamer y experto den asuntunan caribense.

Pa Sheldry Osepa, minister Plenipotenciario di Corsow na Hulanda: "Serca reina Beatrix e ta precisamente e locual ta uni e partidonan: un reino unda cu tur dos banda tin hopi di gana. E reina ta representa e totalidad no solamente un parti di e reino."

Pero di tur manera, e bishita di estado a cuminsa den bon ambiente. Bailando reina Beatrix, prinses Maxima y prins Willem Alexander ta mescla den un carnaval caribense. Por supuesto tin speculationnan tocante e renuncia di Beatrix. Si efectivamente esaki ta e ultimo bishita na Aruba como hefe di estado, e isla lo keda cord'e pa semper como un "dancing queen."

E alegria cu Beatrix ta muestra ora cu e bishita e islanan ta real; e solo ta reflesha den su wowonan y ta yena su curason cu calor. Ta riba e islanan aki el a haya e apodo "prinses sonrisa". □